

修真十書武夷集卷之四十六 菜四

海 南 白 玉 鑾 著

贊歷代天師

第一代天師正一靜應真君諱道陵
字輔漢

雲錦山前鍊大丹六天魔魅骨毛寒一從飛
鶴歸玄省煙雨瀟瀟玉局壇

第二代嗣師諱衡字靈真

光如初載大丹成有甚工夫事漢靈夜半玉
輿飛紫露春風春雨滿陽平

第三代係師諱魯字公期

笑把銅章尹漢中隱山斗米顯神功魏兵四
畔臨河岸彈指波心萬丈峯

第四代諱滋字元微

鄱陽策杖抵巖顛舊有丹爐鎖暮煙今古一
雙龍虎石侍郎仙去是何年

第五代諱昭成字道融

數千里外露陽神丹竈灰寒結紫雲兩虎歸
林人不見數枝菌草鶴穿墳

第六代諱椒字德馨

丹書玉札隱琅函雲幾飛空鶴幾聯告別門
人歸去後夜來素月落寒潭

第七代諱仲回字德昌

當年辟穀鍊仙丹召雨呼雷譬似開四海有
人膺法籙笑誇筇去鶴鳴山

第八代諱迥字孝超

丹篆纔書泣鬼神年踰九十脫紅塵至今巖
上結廬處夜半鳳凰樓綠筠

第九代諱符字德信

上饒山水甲江南一錫橫飛欲結庵忽遇至
人煙露外歸來無語隱松巖

第十代諱子祥字鱗伯

滿室神光夜欲闌靈丹吐出掌中看當時鶴
唳佳城外空有霓裳掩玉棺

第十一代諱通字仲達

閉戶疑神四十年青鸞赤靈策雲軒瓊棺數
月金瓶冷滿室天香醉一樽

第十二代諱仲常字德潤

鶴書曾詔赴宸京歸作分形化景人昨夜飲
酣曾吐酒醒來又薄甕頭春

第十三代諱光字德昭

幾年辟穀學飛行撞破秋空一點青纔到暮
林風月夜洞天隱隱步虛聲

第十四代諱慈正字子明

丹鼎能乾活水銀舉家一念贖貧民空中動
破雲韶樂白鶴飛來風雨春

第十五代諱高字士龍

丹臺一點玉髯翁千古天師張士龍招弄谿
山詩技巧吐吞風月酒神通

第十六代諱應韶字治鳳

一畝閑雲獨自耕草廬寂寂誦黃庭又言辟
穀歸山後月夜時聞鐵笛聲

第十七代諱順字仲孚

貴谿一尉隱家山靜結茅廬三兩間九十歲
時尸解日時人猶見是童顏

第十八代諱士元字仲良

神水華池養白鴉玉爐進火結丹砂仙家妙
用無人識頃刻能開桃李花

第十九代諱修字德真

玉局瑤篇龍鳳文三元開度士如雲翻身踏

著蓬萊路浴罷焚香自入墳

第二十代諱諶字堅德

吸乾酒海一須臾冠冕元壇百歲餘不食人間煙火氣能傳天上電花書

第二十一代諱秉一字溫甫

入腹金龜夢正疑琳房初誕謫仙兒丹傳祖印百來歲執簡歸仙地震時

第二十二代諱善字元長

參遍名山謁洞天相逢却是活神仙歸來換骨回陽日屈指人間九十年

第二十三代諱季文字仲歸

玉盃祝水起波雲筆下雷聲泣鬼神龍虎山前山後問先生活盡幾多人

第二十四代諱正隨字寶神

人在犁鋤煙水鄉結茅高臥小松崗勒封真

靜先生號一卷仙經一炷香

第二十五代諱乾曜

橫握鑊鉞入洞天洞天漢漠漠掩寒煙仁宗親問金丹訣笑指斜陽噪亂蟬

第二十六代諱嗣宗

朱砂鼎裏鍊金晶點禱天皇入紫冥月落半山丹井水猿聲驚斷滿天星

第二十七代諱象中字拱辰

仁皇恩賜紫衣時方是寧馨七歲兒闔把洞章歌一闕不知鸞鶴滿天飛

第二十八代諱敦復字延之

棘園戰罷笑歸來一寸功名心已灰白鶴何年歸洞府夕陽影裏野猿哀

第二十九代諱景瑞字子仁

當年仙去鶴巢空萬壑千崖夕照紅人在丹丘玄圃外瀟瀟松桂夜來風

第三十代諱繼先字遵正

築著成都人姓劉丹成蛇跡入羅浮瓊樓數紙御書在虛靜先生已掉頭

第三十一代諱時修字朝英

是箇清都一散郎凝神聚氣鍊丹陽片雲孤鶴無蹤跡半夜風寒萬里霜

第三十二代諱守真字遵一

鶴頸龜腮骨已仙星壇長嘯誦瓊篇自從闕下歸仙後一枕清風幾萬年

木郎折雨呪并註

乾晶瑤輝玉池東

乾者亥方也西北之位為天門也天中之晶乃瓊華瑤輝之境梵氣之上玉符之中有五池東際乃空洞之域是雷神所居之所也

盟威聖者命青童

九天有無極盟威真人乃聖者也真人行號今召命東方蠻雷神將姓朱名青童

擲火萬里坎震宮

擲火萬里乃雷師之威也流鈴八衝乃雷母之權也自坎之震乃自北而東也地從東北而生故東北乃雷府之宮故易曰雷在地中復也

雨騎迅發來太濛

雷車兩騎風駕雷轅皆雷神部從也奮迅自空中而來故曰來太濛也

木郎太乙三山雄

太乙碧玉之府乃木郎結靈神君居其左主祈兩瑞華東靈神君居其右主祈雪左

木郎太乙三山雄

主祈兩瑞華東靈神君居其右主祈雪左

官有三山右官有四壘木郎乃太乙府左
官三山之雄神也

霹靂破石泉源通

雷神以雷槌雷斧破石通其旱涸之泉源
也

坤震巽土時靈翁

坤屬西方震屬東方巽已屬南方以西方
之金尅東方之木以東方之木生南方之
火生中宮之土土能尅水水師乃時靈翁
也故大神居西方主帥辛判官在東方部
陽雷公在南方五方蠻雷會於玉樞使相
之中宮玉樞乃斗樞也斗中有都水使者
乃時靈翁也是故激厲如是

猛馬四張欵火衝

雷神四方馳猛馬中宮欵火飛空下乃雷

呪中語

流精鬱光奔祝融

水神名玄溟字流精雨神名滌澗字鬱光
大神名回祿字祝融以水神雨神驅奔火
神也

巨神秦華登雲中

秦華乃東嶽上卿巨神乃西嶽白虎神主
也奔迸於雲中也

墨樞皇靈揚虛空

墨樞皇靈狀似陰雲飛揚虛空沛然下雨

掩曠蒸雨屯雲濛

屯聚濛雲掩隱爽曠釀陰雨也

關伯撼動崑崙峯

南方榮感星君下有關伯神君撼動崑崙
之山頂有天河也此言大神動山嶽傾天

河也

幽靈翻海玄溟同

水神名玄溟波神名翻海江神名幽重此
言波神用力與江神用力而水神亦同力
行雨也

馮夷鼓舞長呼風

六波天上帝君乃馮夷也鼓舞長呼起風
雨也

蓬萊弱水與都功

蓬萊有都水使者弱水有水功使者

龍鷹捷疾先禦兇

雷府有火龍之車火鷹之騎先禦災兇也
朱髮巨翅雙目形

欵火律令鄧大帥有朱髮兩畔肉翅銀牙
耀日

耀日

雷電吐毒驅五龍

雷公電母吐威毒之氣驅五海之龍

四溟發黓羅陰容

四海黓霧森羅陰色

一聲四海改昏蒙

霹靂一聲則四海之內改炎熱而為昏蒙

雨陣所至川流洪

雨騎如陣飛空而至川流洪水

金光流精斬旱虹

金光流精乃西南雷神人首神身仗火劍

斬蟠螭也

洞陽幽靈召靈靈

洞陽幽靈乃東北雷神人首魚身號召雷

師靈靈也

玉雷浩師變崆峒

玉雷浩師乃東南雷神人首龜身變陰黑之色滿雷府崆峒之城也

虛皇泰華掃妖燼

虛皇泰華乃西北雷神人首蛇身掃蕩為

早之妖燼

羣梁玄黃號前鋒

羣梁玄黃乃風神也風神號於雷陣之前

鋒

祠泉恣履威天公

祠者禱也泉者龍潭也恣者縱也履者蛟

虬也威天公者施行天公之威也

欽火律令翻穿窟

欽火律令鄧元帥飛衝於穹窿虛空之表

鞭擊妖魅驅蛇蟲

早魃早妖乃為早之鬼魅異蛇怪蟲乃倭

晦之隱龍

勾婁吉利炎赫蹏

勾婁吉利之言在雷府乃火龍之字言火

龍有炎炎赫赫之蹤

事見方丈玉侍宸紫微雷書

登僧澤願悉聽從

登僧澤願之言在雷府乃火車之字言火

陣元帥聽從五雷之號今也

事見方丈玉侍宸雷書

織女四哥心公忠

織女四哥之言在雷府乃霹靂大仙其心

公忠為民祈雨

輔我救早助勦隆

雷神風神雨神電神助吾救早按法書云

救早一次以其陰功陞轉一階准治一百

二十人大旱過兩旬者邊三階

赤鷄紫鸞飛無窮

唐天師葉法善雷書中有赤鷄紫鸞之符

投於東南水甕中誦木郎呪可致風雨

事見方丈法書

攝屠縛系送北鄩

攝屠龍縛早崇送於北陰天獄以考其尤

早之咎

勅紫虛元君降攝急念如火鈴大帥律令

紫虛元君超玉樞使君火鈴大帥乃闕伯

神君也

修其十書武夷集卷之四十六